

Broj: 01-04-13-00678/2022

Datum: 21.02.2022. godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
n/p sekretar-mr.sci. Izmir Hadžiavdić

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 23-02-2022			
Org. jed.	Broj	Priloga	Vrijednost
05/2	-02-	50	122

Veza: Vaš akt broj: 05/2-02-50/22 od 02.02.2022.godine

n/p-delegat - Jasmin Duvnjak

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BiH  
GENERALNI SEKRETARIJAT VLADE  
n/p - sekretarka- mr.sci. Edita Kalajdžić

**PREDMET: Odgovor na delegatsko pitanje, dostavlja se**

Poštovani,

Federalna uprava za inspekcijske poslove zaprimila je dana 04.02.2022.godine akt, Parlamenta Federacije gornji broj, koji je delegatsko pitanje/a koje je postavio Jasmin Duvnjak na 16.sjednici Doma naroda Parlamenta Federacije Bosne i Hercegovine održanoj dana 27.01.2022.godine.

Uvaženi delegat, postavio je nekoliko pitanja na više federalnih organa, a na ona, koja su naslovljena Federalnoj upravi za inspekcijske poslove, odgovore dajemo u nastavku:

- FEDERALNI INSPEKTORAT RADA

Na delegatsko pitanje upućeno Federalnom ministarstvu rada i socijalne politike, te Federalnoj upravi za inspekcijske poslove u vezi sa obavljanjem prakse srednjoškolaca, učenika strukovnih zanimanja kod različitih poslovnih subjekata na području Federacije BiH, mišljenja smo da je odgovor na postavljeno pitanje u nadležnosti davanja od strane Federalnog ministarstva rada i socijalne politike kao obrađivača i predlagača propisa, koji se odnose na oblast radnih odnosa i regulisanja zakonitog načina angažovanja određenih kategorija osoba kod poslodavaca.

Pored navedenog, federalni inspektori rada za oblast radnih odnosa, obzirom na utvrđenu nadležnost koja se odnosi na obavljanje neposrednog inspeksijskog nadzora samo u privrednim društvima, preduzećima i ustanovama od interesa za Federaciju od stupanja na snagu Zakona o radu iz 2016 godine i provedenim inspeksijskim nadzorima, nisu imali zatečenih učenika strukovnih zanimanja na praksi kod subjekata koje su nadležni kontrolisati.

#### - FEDERALNI TRŽIŠNI INSPEKTORAT

Pitanje vezano za plaćanje boravišne takse jeste u nadležnosti Federalnog Ministarstva okoliša i turizma (u daljem tekstu: FMOIT), ali ćemo kratko informisati uvaženog delegata, vezano za njegovo pitanje, da je:

Vlada Federacije BiH je zaključkom broj V-1618/2017 prihvatila Informaciju FMOIT o stanju turističkih zajednica i prijedlog izvršenja nadzora nad namjenskim korištenjem sredstava po osnovu ostvarenih prihoda od članarine i boravišne takse od strane turističkih zajednica u Federaciji BiH.

Istim zaključkom, Vlada Federacije BiH je zadužila Federalnu upravu za inspeksijske poslove da izvrši nadzor nad namjenskim utroškom sredstava po osnovu prihoda od članarine i boravišne takse od strane turističkih zajednica u FBiH od 2014. godine do dana usvajanja zaključka, te da Vladi FBiH dostavi povratnu informaciju o poduzetim radnjama.

U vezi sa pomentim zaključkom, Federalna uprava, putem Federalnog tržišnog Inspektorata u pripremi nadzora, pristupila je analizi važeće zakonske legislative koja reguliše oblast turizma, konkretno propisa kojima se reguliše boravišna taksa i članarina.

Temeljem presude Ustavnog suda FBiH broj:U-34/13 od 3.07.2014.godine proglašene su neustavnim odredbe Zakona o turističkim zajednicama i unapređenju turizma u FBiH (u daljem tekstu: Zakon), nakon čega je Vlada FBiH, na prijedlog FMOIT, donijela Uredbu<sup>1</sup> o boravišnoj taksi.

Pred Ustavnim sudom Federacije BiH, u julu 2013. godine podnešen je zahtjev za utvrđenje ustavnosti i Zakona i Uredbe o članarinama u turističkim zajednicama. Kod odlučivanja po zahtjevu za utvrđivanje ustavnosti Zakona, Ustavni sud FBiH je našao da federalna vlast u ispunjavanju zajedničkih ovlaštenja:

- nije adekvatno primjenila institut međusobnog dogovaranja u skladu sa Ustavom FBiH, poštujući ovlaštenja kantona, specifičnu situaciju u pojedinim kantonima i potrebu fleksibilnosti u provođenju, čime je zapravo sud i našao da su pomenute odredbe Zakona neustavne. Proglašenjem neustavnim odredbi Zakona, Ustavni sud je našao nepotrebnim raspravljati o ustavnosti Uredbe, s obzirom da je osporeni zakon bio osnov za njeno donošenje.

<sup>1</sup> Uredba o boravišnoj taksi („Službene novine Federacije BiH“ br. 18/09 ).